

آبونه شرائطی : هریر ایچون
سنه لکی (۴۰۰) آلتی آیلنی
(۲۲۵) ، ممالک اجنیه ایچون
سنه لکی (۴۵۰) ، آلتی آیلنی
(۲۵۰) غروشدرد.

نسخه سی ۷۵۰ غروشدرد .
سنه لکی ۵۰ عدددر .

اداره خانه : باب عالی جاده سنده
رشید افندی خائنده

اخطارات

آبونه بدلی پشیندر .

مسلكه موافق آثار مع المنونیه
قبول اولنور . درج ایدله یین
یازیلر اعاده اولتماز .

والله یهدی من یشاء الی صراط مستقیم

باش محرر
محمد طاکف

صاحب و مدیر
اشرف ادیب

اتبعون اهدکم سبیل الرشاد

تذکره

۱۳۳۰

آدره من تبدیلنده ایریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسنی محتوی
بولونسی لازمدر .

ممالک اجنیه ایچون آبونه
اولانلرک آدرس لرینک
فرالسرجه یازلسی رجا اولنور .

پاره کوندرلدیکی زمان نهیه
داثر اولدینی بیلدیرلسی
رجا اولنور

اولور، حرام در . واك خير ليسى صبر ايتك در . نستعذ بالله : « وان عاقبتهم فمقابوا بمثل ما عوقبتهم به ولئن صبرتم لهو خير للصابرين »
 صكره جناب پیغمبر اقدیمز « ایکی مؤمن قلیج قلیجه کلیرسه
 ایکسی ده جهنملکدر . » بیورمشلر . « مقتولده می یارسلو الله ؟ »
 دییه سؤال اولوتجه : « ثووت ، چونکه اوده تولدورمك قصدیه ایشه
 کیرمش در . » بیورمشلدر .

بناءً علیه دوللو ایدن قاتل اولورسه جزاسی ویریلیر . مقتول
 اولورسه متحر حکمی کیر . بزم بیلدیکمز بودر .

اوروپا هیات اجتماعی

مفسره غربی بر قادیانک غایت سلام پائانی

۵

« قادیانک ، ایشلری تسویه ایتک ، بر آرز نفس آلق ، صاف
 وحید هوا تنفس ایتک مقصدیه سوقاغه جقمه سینه مانع اولان بر
 نظام اجتماعی بیلیمورز . مع مافی بن امین که قادیانلردن بر چوغی
 خاها لرنده پک آرز اوطورورلر ، و قادیانک مهم بر قسمتی خارجه
 بکیردرلر .

مملک ساثرده کوپلی قادیانلر چیقنجیلکله ، تارالارده ، باغچه لرده
 چالیشمقله مشغولدرلر . کوپلی بر قادیان زراعت و فلاحت ایشلرینک
 اکثریسنده کوپلینک شریک فعالیتدر . بونی بن ، بر قاج سینه اول
 شرق واسلام مملکتلرنده واقع اولان سیاحتم انسانیده رأی العین
 مشاهده ایتدم . مصر کوپلرنده ، بادیده ، عراق نواحی شرقیه سیله
 سوریه آفاقده بر خلی طولاشدم . صکرده ترک مملکتلرنده
 وسائرده مدت مدیده کشت و کذار ایتدم . هپ بورلرده کوردیکم
 احوال بنده شرقی بر قادیانک دوما یالی ، بلغار ، مجاری ، آلمان
 وسائر بر قادیانک آشاغی قالیر یری اولمادی قناعتی حاصل ایتدی .
 کورسیوردم که اوینک ایشی کوجیله چوققلرینه باقوب بویتمکله
 مشغول اولان قادیان عینی زمانده چفت آلاتی آلهرق اکین بچمک ،
 خرمن سورمک ، باغچه لرده چالیشمقله محصولاتی ، سودنی ، مورطه سی
 بازارلر کونوروب صاعقه ده مشغول اولور . شرق اسلام مملکتلرنده
 ارککلرک کوره جکی ایشلرک کافه سنده کندیکنده بیوک بر حصه
 فسالیق اولان کوپلی ، شهرلی بر قادیان کورمیدیکمی ادعا ایده بیلیم .
 بر طاقم کنجلمزک : بزه قارشی تحت ممنوعیته آلتیق ایستیلان
 اختلاطک عاقبتی نهیه منجر اوله بیلیر ؟ ویردجکی نتیجه ایکی صنفدن
 برینک دیگرندن انتقامی اوله جفته کوره بونده او درجه اعظام

کندینه وظیفه عدلیه یی باغقه قالقشما سی ده واردرکه بوده آریجه مردوددر .
 برده دوللو یی استلزام ایدن حقا تکر ، حقسز معامله لر بر انسانک
 ثولمه سی ویا تولدورولمه سی موجب اولاجق احوالده می در ؟ بو حقا تکر ،
 حقسز لقلر اکثریا مهم ، ماهیتسز شیلدر . ناموس قان ایستره دیندیکی
 چوق در . عجا بو هانکی ناموس در ؟ اگر افکار عمومیه دن دوشمک
 ایسه بونک اهمیت بیوک اولمقله برابر اگر او ، حقه مقارن دکل ایسه
 اصل ناموسک اوکا اهمیت ویرمه مک ، کندی وجداتی دیکله مک اولدیفنی
 اولجه کورمش ایدک . علم اخلاقه ناموس هیچ بر فکری نظراعتباره
 آلمقسزین وظیفه یی یایمق در . او حالده کله مک تام معناسیله ناموسی
 صاعلام صاقلامق انجق بکا فائدر ؟ هیچ کیمسه اوئی بن دن نه رفع ،
 نه تنقیص ، نه ده تزید ایده من . بالکیز بن کندی خطا لرمه اوئی
 تنقیص ، یا خود لیاقت لرمه تزید ایده بیلیم . اگر بن وظیفه لرمده قصور
 ایده رسیم دوللو بنم خطای تعمیر ایده من ؛ ضایع اولمش ناموسی
 بکا اعاده ایتک دن اوزاق اولدیفنی کبی یایمش اولدیم قناله بر حقسزلق
 ده علاوه ایتمش اولورم . هر حالده بر تعرض و تحقیر وقوعنده عدالت
 حکومت مراجعت لازمکیر . هر مدنی مملکتده عدالت منتظمه موجوددر .
 ناموسلی آدم هیچ بر کیمسه یی رنجیده واضرار ایتمز .

صکره یینه فرانسه علم اخلاق مؤلفلرندن ژول پایوده شویله دییور :
 « دوللو ، یعنی کویا غایت آغیر بر تحقیر دوچار اولمش بولونمق ،
 یا خود بر همشیره ویا قادیانک ناموسنک انتقامی آلق ایچون اولمک نه
 معناسز شی در ؛ بو ، وحشیلکدن قالمه بر کورده مک در . حقیقته دوللو
 بر جنایت در . بشقه سنک حیاته واجب اولان حرمتی هتک ایده .
 چونکه دوللو یان قاتل اولابیلیر . تولومله نتیجه نه بن بر دوللو ده
 وجدان عمومی بر نفرت طوبار . باخصوص طرفیند معصوم اولان
 کیمسه تولورسه . شیمدی آنفلوساقسون هر قنده دوللو قالمامشدر .
 فرانسه کبی آلآن موجود اولان مملکتلرده اونک دوامنه خدمت
 ایدن کبرو عجبدر . بو مضر کورده مک قالقمسالی در . زیرا بو عصر
 مدنیته مناسبی اولیان ، وحشیلک زماندن قالمه برشی در . هر حالده
 دوللو ایله آدم اولدورده مک بشقه صورتله کین وکبر ایله جنایت ایشلیرک
 قاتل اولان دن فرقی یوقدر . »

بو باده شریعت اسلامیه مک مطالعه سی ده عینی در : دوللو یانلرک
 اوله نی ده ، اولدورده نی ده هم قاتل متعمد ، هم متعذر درلر . او جهته
 اولرک اوزرینه بویکی فعلک هر ایکسنکده کناهی یازیلیر . هم بر کره
 دوللو نه ایچون یازیلیر ؟ اوئی تدقیق ایده لم . اگر آورو باده اولدیفنی
 کبی محکمه جه کافی مرتبه جزا ویریلمه جک تحقیرلر ، تعرض لر سبب
 اولاجقه دیتمزجه « دوچار معاقبه اولان کیمسه ایچون انجق دوچار
 اولدیفنی معاقبه مک مثیله مقابله ایتسنه مساغ واردر . ده زیاده سی تعدی

آغوش صیانت و رأفت بوله بيلمك بختيارلغه نائل اولورسه اوزمانده تام بيويه رك زور بازوسنه مالك اولوبده شداند زمان ايله نجه لسه جك، حيالك باركران وظائفه مقاومت ايده بيله جك بر چاغه كلنجيه قدر نه قدر الم ومحتله، احتياج وسفالتله محاط بر حيات كچيرمه محكوم اوله جقدر. اوروپا ايتختلرنده وامشالي بيوك شهرلرده حكومتلر طرفدن بونلر ايچون مؤسسات مخصوصه وجوده كتيرلش، آنالري طرفدن بو مؤسسه لره خفيف راجرت ويرلك شرطيله بوچو جقدر ايچون سود نينه لر، مربيه لر استخدام ايدلمكده بولنشدن.

بو مؤسسه لره توديع ايديلن چو جقدرلر باقيلمه سي، تربيه سي آرتق حكومه تاند بر وظيفه در. اونك نه بااسي بلليدر، نه ده نوازش مادر لذتي بيلير. ولد غير مشروعي بورالره توديع ايدن آنالر آره سنده چو جقدر اولان علاقه ورابطه سي قطع ايتيانلره بك آرتصادف اولنور. حكومتلر بو چو جقدرلر تربيه لرني ارباب خيرون جمع ايتديكي احاطات ايله تأمين ايدر.

شهرلرده دهاحلك بدايتلرنده اسقاط جنين وقوطاي بك چو قدر. آنجق بورالرده زناكار قادينلر مقارنت وقوع بوله جني ائنده حمل حائضه سنه مانع اولق ايچون مستحضرات طيبه وكيميويه استعماله كويلى قادينلردن ده ا زياده مألوفرلر. ار ككلرده حمل حائضه سنك ممكن اولديني قدر آز مقداره تحفته خدمت ايده جك وسائله مراجعت ايدرلر. فقط عجيبا بو زاني وزانيه لر حملك منع ويا تقبيل خصوصنده بيك درلو تدابير اختراع ايتدكاري جالده مقصدلرينه موفق اوله بيلمشلر، ياخود ذكره شاين بر راده ده تقبيله كوچ يتيرمشلري؟ خير. بزم اوروپا ممالكنده بو يولده كي تولداتك درجه سنه واقف اولان مسئله نك حقيقه موجب انديشه بر ماهيته اولديني ونتايج محتمله سي تحملك فوقنده بولنديني تسليمده بر لحظه تردد ايتزلر.

خلق، ديدكاري كي، افعال وحرركاتنده تماميله سربست براقلم. فقط هيچ اولمازسه زنانك چو جق، آنا، وطن حقنده حصوله كتيره جكي نتايجك نه دن عبارت اوله جني شوراده بر آز مناقشه ائتمه دن كچيمه لم.

آنا، نه قدر بر حس مكاره سوقيه لاقيدانه بر طور اظهار ايتسه ده ندامت، حزن واسف آلتيله قلبنك ياغامه سي وشدت تأردن حياتي قورتاره بيلمه سي امكان خارجنده در. بالخاصه چو جق صاغ اولور وآره لرندكي علاقه ورابطه ماده منقطع بولنورسه فلاكتك بو نوعي قادين جينك صاغ اوله رق تولدنه قدر صبر ومقاومت كوستره بيلديكي تقديرده تحقق ايدر. اكثر احوالده مشهود اولديني وجهله جنيني وسائط معلومه ايله اسقاطه توسل ايدرسه او زمانده

ايديله جك نه كي بر محذور متصوردر؟ ديدكاري وهريرده عيني قرائي تكرار ايدوب طور دقلرني ايشيديورز.

اولجه اوروپاده بزمده عادتيز كنج قيزلري تاھللرندن اول تحت مراقبه ده بولنديرمق؛ چارشافك، بجه نك لزومه قائل اولماسه قوده كنجلرله دوشوب قالمه لرينه ميدان ويرمه مك ايدى. بو قاعده يي بر قاج عصر مقدم لاتين عصرى اخلاص ايتدى؛ سائر اوروپا اقوامي ده بومسلكدده اولانلره پيرو اولقمده كچيكمه ديلى. حق قيزلرينه اھمالكارانه حركت خصوصنده لاتينلردن ايلري كيدنلرده اولدى. كيت كيد اوتلرله، حاملره وارنجه يه قدر مختلف نوع وشكللرله اختلاط مألوفات صرمنه كچدى. مملكه تليزده سياحت ايدنلره، حق ايلك دفعه اوروپايي كورنلره اختلاط مسئله سنك نه رنك وشكل كسب ايتمش اولديني مجهول بولنديني ايچون بو واديدم اظناپ مقاله احتياج بوقدر.

بزم اوروپاده كي طرز حياتيز فحشك رواجي ايچون ايجاب ايدن وسائلي تماميله حاضر لامش، او يولده كي مرآم وصول ايچون بتون يوللري آچيق وسر بست بولنديرمشدر. بو حالت اجتماعيه ايسه شوراده بسط وتمهيد ايده جكمز نتايج وخيمه يي توليد ايتمشدر:

(اولا) بر جوق كاله لرده زوجيت رابطه سي كوشه مش، ياخود بتون بتون قيرلشدر. سينه كلنجه، اولجه ده سويله مش ايدك، كرك ار ككلرده، كرك قادينلرده ايله مختلف محاسن، متنوع مزاييا واردركه روحلر اوزرنده براقدقلى تأثيرات فسونكارانه دن اجتناب امكاني بوقدر. بناء عليه بر اركك قادينلرله اختلاط ايتدكجه، بر قادين بزده مألوف اولان بر طرزده ار ككلرله همبزم اولق اعتيادينه صادق قالدكجه، ايكي صنفدن هر هانكي برينك قيد فتنه دن آزاده قالمه سنه، ياخود هر طرفدن معنوي اوزرينه متوجه تأثيرات ساحره روحيه دن تخليص نفس ائمه سنه امكان بوقدر. يوقاريدم بو بحثه عائد بر خيلي سوز جريان ايتديكي ايچون بوراده اوزون اوزادي سوز سويلك زاندر.

(ثانياً) بزده وبزم عادت ومسلكمزي تقليده ايله ين يرلرده ولدغير مشروعلرك مبدوليتي. بو بر مسئله كه اجتماعي، سياسي، روحى نتايجي تقدير ايتيانلر نظر استخفاف ايله تلقى ايدرلر. غير مشروع صورتده كه قالان بر قيز بيوك شهرلر ك برنده اقامت ايتيورسه حملك مال وعاقي اولومدر. چونكه ارتكاب زنا ايدن قادينلر ك باشليجه دوشوندكاري تدبير اسقاط جنين ايچون مستحضرات طيبه يه مراجعتدن عبارتدر. قدر صاغ اوله رق ميدانه كلمه سنه مساعده ايدرسه جنين آناسنك قارنده اولمكدن قورتيلور. فقط اجل كندني عقب ولادتنده آتيلديني برميدانده، ياخود هجرا بر محله قوللرني آچش بكمه مكددر. شايد موتدن تخليص كريبان ايدرسه وكندني بسله يوب بيوته جك بر

ارکان مجد و اقبالیدر لر. سفیل و بدطینت قادینلر او معصوم و جودلری قربان ایدیورلر ، فقط اونلرله برابر منسوب اولدقلری مملکتلرک عظمت و احتشامی ، ایچنده یتشدکلری امتلرک مفاخرینی ده برلکده قربان ایدیورلر .

بو آفت اجتماعیه نك مآثر تخریبکاریسی حقنده فرانسه کوزل بر نمونه عبرت تشکیل ایدمیلیر . عینی اسباب سؤقیله مدھش بر تناقص نفوسه و ضرایبان فرانسلر بنیان موجودیتلرنده تممیری غیرقابل رخنلر آچیلدیغنه ، کوندن کونه شدتی تزید ایدن بو آفت مستولیه نك اوکینه کچلمک امکافی آزالدیغنه ، طوندقلری مسلک سفیهانه دن انحراف ایتدکلری تقدیرده محو و انقراضلری محقق اولدیغنه قناعت کامله حاصل ایتدیلر . فقط نه ممکن ، بر کره فحش طالنده حیات کچیرمه نك لذتی دماغلرینی صارمش ، حیات زوجیت و بونک لوازمندن اولان وظائف شاقیه قارشى نفرت و استکرام حسی قیلرلنده یرلشمش ایکن ، قادینلری ده قوجه به واروب ده باشه برانکل آلفی ، صکره ده کتیره جکی جوجقلری باقوب بیونمک ، امزرمک ، یدروب ایچیرمک ، نیمز طوتیق و بیودکجه حسن تربیه سنه اهتمام ایتک کبی غیر محدود وظائف آلتیه کیرمکی ، فضله اوله رق آثارحل ایجابانندن اوله رق لطافت جسمیه لرینی خللدار اولمش کورمکی بر درلو حوصله لرینه صیفیدیره مازکن آرتق بوقوم ایچون تعدیل مسلک احتمال و یرله بیلجک برشمیدر ؟

فرانسه حیات زنا و سفاحک مطلق صورتده مملکتده دوامی خوش کوردی ؛ عائله تشکیلک تابع اولدینی قیودی نفرتله تنقی به یاردم ایدم جک جریانلر کسب قوت ایتدی . ارکک قادین هرکس ، هر دم ظهور اذواق ولذائده نهالک سائق اولان حیات سرسریانه به مفرط برتمایل کوستردی . فضله اوله رق بوسر آزاد حیاتک ارککلری طالنه خلقتدن ، قادینلری کبه لک اندیشه سندن قورناران طرز کذارشی تجرده اولان میل وارتباطلرینی تزید ایتدی . فقط او بدبختلر بو مششوم حیاتک کندیلرینی قطعی بر انقراض واضمحلال اوچورومنه سوروکله مکده اولدیغی دوشونسلر فصل بیوک بر جنایت ، نه مدھش بروبال ارتکاب ایتدکلرینی آکلارلر ایدی . فرانسه اجتماعیات علماسنک مملکتلرنده تولداتک بر اطراد دائره سنده تناقص ایتمکده اولدیغی کوزلریله کوردرک برکون اولوب ده فرانسه نك مدافعه وحمایه سی ایچون ایجاب ایدن آدملرک تدارکندن عاجز قاله جغه قطعاً حکم ایتدکلری وقت دوچار اولدقلری یأس و اندیشه یی فصل اونوته بیلیرز . بومتفکرلر ملتیرینی سیلوب سوپورمک استعدادینی حائر اولان بومدھش آفتک دفع وازاله سی ایچون ایجاب ایدن تدابیر حقنده لایحلر ، استدعا نامهل تنظیمیه حکومتی تنبیه وارشاده چالیشدیلر . حتی حالک وخامت فوق العاده سندن متولد ریأس ایله ایچلرندن بعضاری ازدواجه قارشى

کندی بر جوق امراضه ، بالخاصه مداواتی غایت معضل رحم خسته قفلرینه کرفتار اولور . مع مافیه اسقاط جنین ائساننده آنانک ترک حیات ایتیه یی وقومات نادره دن دکدر . بوارتنکاب فحشی متعاقب قادینک معروض قالدینی مادی خسرانلرک بر قسمی . فحش وزنانک نفرتله تاقی ایدلیدیکی ممالکده کرک کندینک ، کرک عائله سنک ناموس و حیثیتیه ایراث ایدم جکی رخنه یی تقدیر ایدیکنز . یالکیز شوراسنی ایضاح ایدمیم که مسئله نك تأثیراتی عرض و ناموسی لکدار ایتک خصوصنه مقصوده دکدر . قتولیک طالنده ارتکاب فحشک نتایجندن بری ده بویله بر تهمتله محکوم اولانک تکرار تاهلدن ابدیاً محرومیتدرکه بو ، مرتکب زنا ایچون غیرمتاهی بر منبع آلام تشکیل ایدر .

غیر مشروع جوجقلرک اسقاطی ایچون قوللانیلان معالجانک سببیت و یردیکی رحم خسته قفلرندن بحث ایتشکن شوراده بعض ناموسلی عائله لرکده بر طاقم مقاصد خسیسه اوغورنده بومنفور تدبیره مراجعت ایتمکده اولدقلرندن استطراداً برنبذه بحث ایتکی موافق کوریوروز ؛ بعض ضربلی قادینلر و بونلرک عادات و مسالکفی تقلیده هوسکار بولنان شرقلی خاتملر حسن و آنلرینی محافظه به صوک درجه حریرص واهتمامکار اولدقلری ایچون بونی تأمین ایدم جک هر هانکی بر تدبیره مراجعتدن کری طورمازلر . بونلر کبه لکک صفوت حیاته تأثیر ، اسباب استراحتی اخلاص ایدن بر نوع خسته لق اولدیغی بیلیرلر ؛ عینی زمانده حلاک کبه قادینلرک قارنلرنده حصوله کتیردیکی چیرکین تغیراتی ده کورمکده درلر . کندینک اینجه بللی ، دوز و لطیف قارینلی ، موزون قامتلی ، طوب مملی ، عضلاتی سرت بر خلقتده اولدیغی کوروب بیان بر قادین حمل وولادت عارضه لرینی کوروب کچیرمکه و حلاک تأثیریه قارننده بر طاقم قاتملر پیدا اولدیغی ، عضلاتنک کوشه دیکنی ، مملرینک صارقدیغی کورمکه ، صکره ده جوجقلرینه باقوب بیونمک ایچون عهد سنه ترتب ایدن وظائفک تمامی ایفاسنه وقف نفس ایدم رک باغچه لره ، تیارولره کیتمک ، محافل مختلفه ده اثبات وجود ایتک ، دوستلریله بولوشوب قونوشمق ، هر آرزو ایتدیکی بره اجرای سیاحت ایتک کبی حیاتک اذواق مشوعه سندن محروم قالغه تحمل ایدم مز . حلاک ، وضع حلاک ، وظائف مادرائنه نك کندینی آمال مشهیات نفسانیه سندن محروم ایتمه سندن قورقارده حیات مادیه نك زینتی ، سیاست و استقلال اتمک برر رکن رکیی اولان اولدینی بویله الک خسیس مقصدلر اوغورنده قربان ایدر . اوت ، علم نامه عاشقانه سرگذشتلردن ، دوستلریله مخا بره دن ، بتون و قتلرینی ذوق و صفا بولنده هدر ایتمه دن بشقه برشی بیلیمیان او جاهل قادین تناسب اندامی ، طراوت حسن و آغی محافظه اوغورنده میلیونلری قربان ایدر ، او میلیونلرکه دنیا نك مایه ضرورفتی ، حقوق بشریه نك مدار حرمت و صیاتی ، اقوامک

نفرت واستكره قلمبرده بودرجه كوكلشدكن صكره جزايروفاسدن فرانسه به رجوق ارڪك جلب ايتمكدن، قاديئلري جوجق دوشورمك، حمل وقوعه قارشى ادويه طيبه قوللائق كبي شيلردن شدتله منع ايلمكدن بشقه چاره اولديغنى علناً سويلديلر . حرب عمومى انساننده فرانسه ده ارباب علم ووقوفك حكومتدن اعاده صالح ومسالت اسبابنه توسل ايتمقى مطالبه يولنده قوباردقلى فريادى آسمانه ايصال ايتدكبرينه شاهد اولدق . بو آدملىرى بو واويلاي يأس ومانه سوق ايدن سبب، مقدارى ذاتاً آزااولان فرانسه ارڪكلىرى حرب بتون بتون كيروبده صلحدن صكره الدهكى اراضى يى جوار ممالكدن جلب ايديله جك آدملىر واسطه سيله اعمار مجبوريت حاصل اولمى ايدى .

بومسئله متعلق كتب اسلاميه تصادف ايتديكم الكمتين وعلوى سوزلر مياننده پيغمبريكز (صلى الله عليه وسلم) ك ونا كجوا تناسلوا فان مباء بكم الامم ، و خير نساكنكم الودود الولود = قاديئلريكزك الك خير ليسى قوجه سنى سون وچوق اولاد كتيامن در . سوزلر يى صايه بيليرم .

فضله اولاده مالكيث واولرك ترفيه معيشلريله حسن تربيلرينه الدن كلديكى قدر اعتنا ودقت خصوصلرينه الك بيوك مشوق قرآنك و المال والبنون زينة الحيوه الدنيا ، سوزيله رسول (عليه السلام) ك و ان من الذنوب مالا يكفره الا السعى على العيال ، كناه واردركه ترفيه عيال يولنده سعيدن بشقه هيچ برشى اوکا كفارت اوله ماز . حديثدر . بيلم كه ميلونلرجه ارڪك وقاينك مناسبات غير مشروعه ايچنده افناى حيات ايتدكلى او مملكتلرده بونك يرينه روابط مشروعه قائم اولوبده كرك ذريتلرينه ، كرك نفسلرينه قارشى صايدىغمزجرائم وحنائى ارتكاب ايتسار بوكون حائر اوله جقلى قوت وسطونك درجه سى نه اولوردى ؟ برعصردن برى تناقص نفوس يوزندن بويوك بر تهديد آلتند بولنان فرانسه ده فحش طالنده امرار حيات ايدن قاديئلر قوجايه وارسه لر ، كه قالمق ايچون برطاقم تدابير توصل ايتسار مملكتك نفوسى مرعصرده بر مثلى آرتديرمه موفق اولورلر ايدى . فقط تقدير اونلري دوشدكلى وادى غوايتده صابلاوب قالمغه ، مسلك ضالانده ثبات واصرار ايتمه سوق ايديبور . تا كه دوچار اوله جقلى طاقت اليه نظر فريب آلايشلريله ديده بصيرتلىرينه نقاب فسون چكدكلى ، حرث بشريه وفرانسه مدينى نامنه مهلك فته كردابلرينه صالديقلى رجوق اقوام وائمه برعبرت مؤثره تشكيل ايتسون .

شورايه قدر سرد ايتديكمز افانندن بر قومده تولداتك تزايد و تناقص ، آره لرنده زنانك انتشار وندرتيله متناسب بولندينى و تناقصك لك قوتلى سيلرندن برى ده قاديئلرك كه لكه واونك اعراض وامراضيله

تحميل ايدمچكى وظائفه قارشى حسن نفرت پرورده ايتملرى اولدينى وانحاً آكلاشيلير .

ذاتاً برطاقم وقايع ثابته ده اثبات ايديبور كه آرالرنده زنا وفحش شايع اولان بر قومك كنجلرى اى و كوتو حرقاتى آره سنده بر موازنه پيدا ايتمكى ، بوجهلدهن اوله رق متره سلى ياننده برده زوجه بولنديرمى دوشونمبورلر . طاله قيد كلفتندن وارسته بولمق ، يكديكر ك صداقت و وفا كارلنندن امين اولميان ايكي رفيق حياتك يكديكرينه قارشى بسلدكلى شك وشبهه ، عدم اعتماد خسلىريك ازاجات متماده سندن آزاده قالمق فكلى بونلرى او جهته يناشديرمبور . بوفكر بيمزك حقيقتيه درجه موافقتى آكلامق ايچون كوى حياتيله شهر حياتى مقايسه ايتك ، ازدواج بختنده فقرا ايله اغيا آره سندنكى واضح فرقلى دوشونمك كفايت ايدر .

مديتدن بالنسبه نصيبى آزااولان كوچسوك شهرلرده تولدات ناز ونعيمه مستغرق اولان ، اذواق بي نهايه ايچنده حيات سسوردهن ، هر درلو اسباب سفاهى جامع بولنان بيوك شهرلردن ده سا چوقدر ؛ كذلك فقرا و آشاغى حاللى كسار اغلب احوالده زنديكلىلردن ده سا چوق چولوق چوجوق صاحيدلرلر . سبيده بولنده احتياجات بيتلرينه كفايت ايدمچك مقداردن فضله ياره بول يوقدر كه ، هر يره كنچ ، اختيار ارباب ثروت مياننده كورولديكى وجهه ، هوسات نفسانيه لر يى تسكين ايتمه ، ذوق وسفاهت طالنده كزوب طوزمغه ، ناموس دوشكونى شيق قاديئلرك بولندينى برلره باش وورمغه امكان بوله بيلسونلر . بديهيدر كه زوج وزوجه ، دوست طومق ، مترس تدارك ايتك كى حاللردن تباعده بتون حسياتلر يى يكديكره تخصيص ايدرلر سبه آره لرنده حقيقى بر محبت متقابله جايكبر اولور . برى برلرينه مودت وشفتندن بشقه بر حسن ايله متحسس اولمازلر . بوسايه ده ماه الحياه دينلن مائه تناسل ضياعدن ، وجوده كله جك نسل وذريت زنا وسفاحدن متولدمضرات معلومه دن وقايع ايدلمش اولور . بو طرز حياتك فضيله در كه خانلر چولوق چوجقه شنه نير . مملكتلر ، امترك مائه عز وسطونى ، موجوديت سياسيه سنك مدار بقاسى اولان رجوق ارڪكلره مالك اولمغه تزديد عظمت واحترام ايدر .

بوتناقص وتزايد نفوس بختنده سوزى فضله جه اوزاتمله سزى صيتمش اولديغى حسن ايديبورم . فقط بومسئله نك سياست اجتماعيه مباحثك الك مهم والك ايجه لرندن اولمى بو طاشقينلغى عفو ايتدير . جكنى طن ايدر .

خاطريكزده اولسه . كر كدر كه بروقتلر ترك غزته لرى بومسئله ايله برخيلى اشتغال ايتمش ، ستونلر يى بويحه طاند مقالات ، حقيقتيه اوزاق ياقين افكار ومطالعات ايله طولديرمش ايدى . از جمله طنين و تناقص

نفوس مسئلہ سی، عنوانیہ برہند مخصوص آہرق ہرہانکی برطرفدن سردایدین فکر و مطالعہی انظارقارئینہ عرض ایتہی اہمال ایتہامشدی۔ اوزمان بن بوجہ متعلق نشر اولنان بتون مطالعاتی اہمیتہ تعقیب ایتہکدہ ایدم۔ آنجق سرد اولنان فکرلرک حیوقاغیہ برابر ایچلرندہ اہمیتہ تاقی بہ شایان یک آزار افکارہ تصادف ایتدم۔ بوندن دولاییدرکہ بوجہی اطرافیلہ تدقیق ایتہک، امتلرک بنیان موجودیتلرخی ہدم و دہام وارکانی زیروزر ایدن الک قوتلی برقازمہ نک مادہ واساسی اوچ شیدن خارج اولہ میہ جغفی دلائل قاطعہ و مآثر محسوسہ سیلہ برتفصیل ایضاح ایتہک لزوم کوردم۔ یالکز شورادہ تکرار ایدہم کہ بوشیلر میانندہ الک تہلکلی و مآثر تخریبی الک زیادہ میدانندہ اولان، فحشک انتشاریدرکہ سببی حریت اختلاط و مواقع فتنہ و فساددن عدم مجانبتدر۔ فحشک والدہلر حقندہ موجب اولدینی تہلک و مضرتار حقندہ بیاناتہ شورادہ ختام ویرہک سوزی فحشک اولاد زنا اوزرندہ لاینفک بر صورتندہ بر اقدینی مآثر خجیعہ و اوانک و طنلرک سلامتہ درجہ تأثیرینہ انتقال ایتدیرمک ایسترم۔

قومونیزم و ادیان

قومونیزم، سیونیزم... ہوا یکی مسلک ہرنہ قدر ظاہر آبشقہ بشقہ کوزو کیورسہدہ، مقصد اعتباریلہ ہر ایکسی اولاد یعقوبک منفعتی تأمین ایچون ایجاد اولمشدر بعضاً یکدیگریہ معارض کی تظاہراتندہدہ بولنیورلرسہدہ، اساس اعتباریلہ توأمدر دنیلہ ییلور۔ بری دوشربہ بری قالقار، ہر ایکسی یکدیگریہ مظاہرتدن کیری قالماساز۔ بری سکتہیہ اوضرادینی کی دیگری ایلری خطوہ انداز اولور۔ ہر ایکسینک فلسفہ سی غایت واسع، وتیلہ تشہیر اولمش، بوش دماغلرہ برلشمش، دہا دوشربسی برلشدرلش! فلسفہ نامنہ مقام طومش! بعضاً کیزلہ نیر۔ بعضاً مختلف ناملرہ میدانہ چیقار، بعضاً سیاسی برمسلك تعقیب ایدر۔ بوتون جہاندہ برحاکیت مطلقہ تأسیسنہ ذاہب اولورلر۔ اساس مقصد، تالموت تعلیماتی اوزرہ عمل ایدہرک، بوتون کائنات و موجوداتی اولاد یعقوبک استراحتی اوزرندہ فدا ایتہکدر۔ فقط مقصد اصلی غایت مکتوم طوتولہرق، وقت وقت ظاہری تمایللر کوسترلر۔ بعضاً صاغہ، بعضاً صولہ کیدر کی کوسترلر ایلہ ینہ انسانلری اغفال جہتی اونوتمازلر۔ اساس مقصدہ وصول ایچون ایجاب حالہ کورہ دینلیدہ اولورلر، دینسزدہ اولورلر، مختلف دینلریدہ قبول ایدرلر۔ جمعہ، جمعہ ایرتہسی، بازار ہدینی بایرام بایارلر۔ مقصد اوغورندہ ہرقالبہ کیرلر۔ بونلرک فلسفہ سی، نظریاتی بویلہ اولدینی کی عملیاتیدہ اویلہدہ۔

ہو کون روسیہدہ بولشہ ویکلر بونلرک تطبیقات و عملیاتیلہ بالفعل مشغولدر۔ روسیہدہ انقلابی متعاقب قوتلی ملتلر: فینلانڈیا، استونیہ، لہستان و سائرہ درحال قطعی صورتندہ روسلردن آریلہرق ہر بری مستقل برحکومت آلدیلر۔ اوہو یوک روسیہ نک بوضورتلہ پارچہ لانہ جغفی آکلاسیلجہ و لہنین، ضعیف ملتلرہ امتیاز و مختاریت ویرہ جکفی، روسیہی آمریقا کی برملکت یاہ جغفی اعلان ایتدی۔ اوافق اوافق فہدہ راسیون اولق اوزرہ: تاتارلرہ، باشقیردلرہ، قبرغیزلرہ، تورکستانہ و سائرہیہ ہپسنہ غایت محدود بر پروگرام دائرہ سندہ، کویا مختاریت ویریلدی۔ ادارہ جہتی کویا ہر ملتک کندی اختیارینہ بر اقیلہ جقدی، فی الحقیقہ اویلہ اولدی۔ فقط ہر ملتک کندی جنسندن نہ قدر ایسز صاپسز کیمسہلر وارہ بونلر واسطہ سیلہ بوتون مملکتی تخریب ایتدی۔ ادیانہ ایندیریلہ جک ضربہ بی دہ بوسر سریلر واسطہ سیلہ ایندیردی۔ بونلر آراسندہ، بعضاً رأس کارہ کچر کچمز انتباہہ کلہرک ملتک منفعتی دوشونہلر بولندیسہ، آنلری درحال و قوندہ (مرتجع) دیرہک الک شدتلی جزا ایلہ تجزیہ ایتدیلر۔ بالآخرہ برآز ناموس و حیثیتی اولانلر تمامیلہ مأموریتدن چکیلدیلر۔ خالص نومونیست مسلکتی قبول ایدنلری رأس کارہ کتیرمک، مقام ریاستندہدہ روس بولوندورمق شرطیلہ ادارہی طار و صیتی بر قوتنرول ایچنہ آلدیلر۔ ذاتاً بتون درسیہدہ مسلمانلر میانندہ مملکتک ادارہ سی، مسلمانلرک منفعتی دوشونہیلہ جک قدر اقتدارہ مالک آدملردہ یک آز بولنیوردی۔ زمام ادارہی درعہدہ ایدنلر، ہب جاہل آدملر اولدیفندن، ملتک تعالی و ترقیسی، مملکتک نہ صورتلہ اعمار و احیا ایدیلہیلہ جکفی دوشونمکدن عاجز اولدقارندن، مہام امورہ صرف افکار ایدہ جکلری یردہ، دیدی قودی ایلہ وقت کچر دیلر۔ دین علیہندہ بولونمق ایچون ہیٹلر تشکیل ایدہرک نشریاتہ باشلادیلر۔ بر طرفدن غرتہلر و خصوصی رسالہلرلہ، تیار و سخن لرنندہ تحقیر و استہزال ایلہ، نطقلر ایلہ اللرنندن کافی یابدیلر۔ حتی خصوصی پروپاگاندا واپورلری، پروپاگاندا تردنلری ایجاد ایتدیلر: وولغا، قاما، آق ایدل، اورال ساحہ سندہ کوی کوی دولاشہرق، دین علیہندہ صرف مساعی ایتدیلر۔ تورک املاسی قالدیرہرق بوتون نوزادلری اسکیدن موجود واسلام میانندہ معروف و مستعمل ادبیات دینیہ و ملیہدن محروم ایتدیلر۔ یکی املا ایلہ او قور بازار چوققلر، کنجیلر، اسکی دینی و ملی کتابلری او قویہ من اولدیلر۔ یکسی ایلہدہ دینی کتابلر طبع اولنمایہ جق۔ دیمک اولیورکہ، دین کندی کندینہ اورنالقدن قالقہ جق۔ ہو کوندن اعتباراً چوققلرہ بسملہ تعلیمی ممنوع، دینی کلمہلر ممنوع۔ ہو صورتلہ بوندن یکرمی سنہ سو کرہ، ہو کون موجود اختیارلر دار عقبایہ سفر ایدہ جکلر، کنجیلردن کیمسہ نک دین ایلہ علاقہ سی